

兵部則例



兵部則例

職方清吏司

巡防

一外海巡防康熙二十八年議準水



不親身出洋督率官兵巡哨者照規避例革職



○四十二年覆準廣東沿海地方以千把總會
哨副叅遊每月分巡總兵官於每年春秋二季
出洋總巡○四十七年覆準江南蘇松狼山兩
鎮各於本管洋面親身總巡每歲一輪將出洋
回汛日期報明該督提察覈○又覆準浙江定

海溫州黃巖三鎮出洋總巡每年定於二月初一日起至九月底止○五十年

諭朕於水陸兵丁年久深悉其情事船至海洋必俟風候若不候時不察風汛而欲强行必至兵船皆損官兵皆係朕歷年養育之人如遇有賊自應効死若無賊而徒以巡哨受傷實為可惜該總兵官須留意於此大加謹慎欽此○五十一年議準海洋巡哨官弁盤獲形迹可疑之船如人數與執照不符并貨物與稅單不符者限三日內稽察明白如係賊船交與地方官審究果係商船即速放行申報

該上司存案如以賊船作為商船釋放或以商船作為賊船故意稽遲擾害者均革職索取財物者革職提問該上司察出揭叅者免議如釋放賊船該上司失察者照失察諱盜例議處稽遲擾害商船該上司失察者照失察誣良為盜例議處○五十三年覆準各營巡哨船刊刻某營某字某號舵工水手人等各給與腰牌備書姓名年貌籍貫○又覆準山東與

盛京對峙水師官兵各巡本管洋面金州之鉄山舊旅順新旅順海帽塔蛇山島並頭雙島虎坪

島。桶子溝。天橋廠。菊花島等處皆係

盛京所屬。令該將軍委撥官兵巡哨。北隍城島。南隍城島。欽島。砣磯島。黑山島。廟島。長山島。小竹島。大竹島。至直隸交界武定營等處止。并成山頭。八家口。之罘島。崆峒島。養馬島。至江南交界等處止。均係山東所屬。令登州總兵官委撥官兵巡哨。至鐵山與隍城島中間相隔百八十餘里。其中並無泊船之所。自鐵山起九十里之內。盛京官兵巡哨。自隍城島起九十里之內。山東官兵巡哨。如遇失事。各照地界題奏。○又覆準官

弁駕船巡哨。如船被賊焚劫者。革職提問。船仍著落賠補。若實係遭風擊碎。該管上司察明出結。詳報該督撫提鎮保題。免其賠補。動支錢糧修造。倘有捏報情弊。將該官弁革職提問。濫行出結之該上司革職保題之督撫提鎮降一級留任。○五十五年覆準。福建水師提標五營。澎湖水師二營。臺灣水師三營。分撥兵船各書本營旗號。每月會哨一次。彼此交旗為驗。如由西路去者。提標哨至澎湖交旗。澎湖哨至臺灣交旗。皆送臺灣鎮察驗。由東路來者。臺灣哨至澎

湖交旗澎湖哨至廈門交旗皆送提督察驗如某月無旗交驗遇有失事照例題叅○五十六年覆準福建臺澎兩協副將歲率三船親身出洋總巡各本管洋面兩協遊守分巡各本汛洋面海壇金門二鎮各分疆界為南北總巡每歲提標撥出十船以六船歸巡哨南洋總兵官調度四船歸巡哨北洋總兵官調度其臺澎二協副將金門海壇總兵官均於二月初一日起至九月底止期滿撤回至各營分巡官兵挨次更換如遇失事各照例題叅○五十七年覆準廣

東南澳屬閩粵交界瓊州孤懸海外南澳總兵官暨瓊州水師副將各帶標員專巡各本管洋面自南澳以西平海營以東分為東路以碣石總兵官澄海協副將輪為總巡率領鎮協標員及海門達濠平海各營員為分巡自大鵬營以西廣海寨以東分為中路以虎門香山二協副將輪為總巡率領二協營員及大鵬廣海各營員為分巡自春江協以西龍門協以東分為西路以春江龍門二協副將輪為總巡率領二協營員及電白吳川海安碣洲各營員為分巡共

共為三路每年分為兩班巡察如遇失事照例題叅○雍正四年題準直隸天津水師官兵於四月起至九月止駕船出洋巡哨○八年議準福建浙江巡哨官兵船挨次兩月更換如風潮不順到汛愆期統俟陸續到汛交代具報該上司察覈遇有叅處之案憑報文內職名揭叅○又議準各省沿海營汛原分水陸水師惟在大洋遊巡其陸路濱海塗岸潮退膠淺為水師巡船之所不到其中各色小艇隨潮飄泊或有暗載違禁貨物甚至乘機偷劫於此等處設立小

號巡船交該管弁兵往來遊哨○九年議準凡巡海船於未出口之前取同船兵丁不敢搶物為匪連名甘結在船該管官加結申送該上司存案回哨日仍取同船兵丁在洋並無搶物為匪扶同隱匿事發願甘並坐甘結送該上司察覈如弁兵在洋搶奪商人財物該管官不係同船失於覺察照失察營兵為盜例議處若通同庇匿草職提問督撫提鎮不題叅者照徇庇例議處○十二年奏準沿海外洋凡官兵巡哨及因公差委如有遭風受困沒水登岸幸獲生全

者官準軍功加一級外委於補官日加級兵丁并食名糧之舵工水手皆照軍功頭等傷例給賞其或飄沒身故者官以見在職任照陣亡例分別廕贈給與祭葬銀外委及兵丁并食糧之舵工水手亦照陣亡例分別給與祭葬銀其奉調考驗之官弁兵丁照軍功例各減一等凡船內舵工水手有被淹身故者如係雇募之人照軍功二等傷例子卹其擊碎之船概免賠補若係在內洋巡哨因公差委及停泊海口島嶼等處或修造戰船遭風擊碎亦免賠補其遭風受

困幸獲生全者官準軍功紀錄二次外委於得官日紀錄兵丁人等照軍功二等傷例減半給賞其飄沒身故者官照陣亡例減一等分別廕贈減半給與祭葬銀外委及兵丁人等亦照陣亡例減半給與祭葬銀至應給祭葬銀如無妻子親屬領受者給銀二兩該督撫提鎮遣官致祭其在黃河大江洞庭洪澤等湖皆係危險地方官兵因公差委及領運弁丁下埽人等遭風受困或幸獲生全或飄沒身故所有加級紀錄廕贈卹賞皆照外洋之例行此內旗丁與步兵

同○十三年覆準福建南澳鎮左營及金門鎮之銅山洋汛歸南澳鎮巡察每年上班巡期委右營守備與廣東鎮協會哨左營遊擊與海壇金門兩鎮會哨該總兵官駐鎮彈壓下班巡期委右營遊擊出巡總兵官親率兵船與兩鎮會哨以左營遊擊留營彈壓○乾隆元年覆準廣東西路洋面分為上下二路自春江至電白吳川碇洲為上路上班以春江協副將為總巡下班以吳川營遊擊為總巡率領春江電白吳川碇洲各營員為分巡均於放雞洋面會巡至碇

洲一帶自海安至龍門為下路上班以海安營遊擊為總巡下班以龍門協副將為總巡率領海安龍門各營員為分巡均於瓊州洋面會巡所屬一帶至上路之電白營遊擊上班隨巡聽春江協副將統領電白營守備下班隨巡聽吳川營遊擊統領如遇本管洋面失事分別題奏○十二年奏準江南海洋每年二月至九月蘇松鎮標中左右奇四營之遊守八人分為四班每營遊擊各巡兩月各營守備與遊擊錯綜換班每人隨遊擊分巡兩月川沙吳淞二營之泰

將守備共四人每人分巡兩月未輪班之各營
委撥弁兵駕舟隨巡至於十月至正月令鎮標
四營川吳二營每營各管二十日如有失事將
分管之營題叅該鎮總兵官仍親身巡察所有
出洋回汛日期報明督提稽考狼山鎮標於二
月初一日起右營遊擊率領中左右三營官兵
在於內外洋面巡哨至九月底期滿回營該鎮
總兵官亦親身巡察將出洋回汛日期報明督
提稽考○十七年議準山東省登州鎮水師每
年五六月七八月間官兵出洋南北東三汛各在

該管地界彼此往來巡防其沿海陸路營汛亦
令不時瞭望不許怠惰推諉○又議準江南省
蘇松狼山二鎮各有所管洋面皆係一望汪洋
並無島澳可收僅能暫時寄棹每年分委將備
輪班出巡飭發令箭逐汛交傳設立印簿填明
接到月日仍令該鎮總兵官不時出洋上下梭
織巡察○又覆準福建省海壇鎮於三月初一
九月初一日與金門鎮會哨於涵頭港五月十
五日與浙江溫州鎮會哨於鎮下關金門鎮於
三月初一九月初一日與海壇鎮會哨於涵頭

港六月十五日。與南澳鎮會哨於銅山大澳南
澳鎮於六月十五日。與金門鎮會哨於銅山大
澳會哨之期。總督預遣標員。前往指定處所等
候。如兩鎮同時並集。即取聯銜印文繳送。或一
鎮先到。點驗兵船。取具印文。先行繳報。即準開
行。一鎮後到。別取印文。繳送。總以兩鎮赴指定
處所為準。如遲至半月以後不到者。察明係無
故偷安。即行叅處。至分巡洋汛。相離本不甚遠。
一月會哨一次。該鎮總兵官差員。取結通報。如
有違誤。即行揭叅。如徇隱及失察者。一并叅處。

○又覆準浙江省定海鎮。於三月十五九月十
五日。與黃巖鎮會哨於健跳汛屬之九龍港。五
月十五日。與江南崇明鎮會哨於大洋山黃巖
鎮。於三月初一九月初一日。與溫州鎮會哨於
沙角山。三月十五九月十五日。與定海鎮會哨
九龍港。溫州鎮於三月初一九月初一日。與黃
巖鎮會哨於沙角山。五月十五日。與福建海壇
鎮會哨於鎮下關。其會哨之期。總督預遣標員。
前往指定處所等候。及兩鎮出具印文繳送之
處。均照福建之例。○又覆準廣東省水師各營

總巡指地定期會哨。如同時並集，聯銜具文通報。倘因風信不便，先後參差，先到者即具文通報。巡回本路洋面，後到者亦於到日具文通報。巡回本路洋面，至分巡各官，每月與上下鄰境會哨一次，或先西後東，或先東後西，預為酌定。一經會合，即聯銜通報。如有懈怠捏飾，即令總巡官揭叅。

一、內河巡防。雍正七年覆準，四川自巫山至三江口，綿亘二千餘里，所有一帶水塘，設立巡船，交與汛兵更番巡哨。該管官并不時稽察。○十

年議準，江南江西沿江營汛官弁，上下往來巡緝，每月彼此會哨二次，對換令箭為憑。將會哨日期報明督撫提鎮稽考。分巡之上，再設總巡。狼山總兵官，每月委官二人，東巡至廖角嘴，西巡至京口。京口將軍，每月委官二人，東巡至狼山，西巡至江寧。江寧將軍，每月委官二人，東巡至京口，江南總督，每月委官一人，西巡至安慶。安慶巡撫，每月委官二人，東巡至江寧，西巡至江西交界。江西南昌總兵官，九江副將，每月各委官一人，巡至江南交界。九江副將，每月委官

一人巡至湖廣交界所到日期均報明督撫提鎮稽考倘不按期接界會巡將委出巡哨官降一級調用兵丁責革○又議準湖廣與國道士汛二營東巡至江西交界西巡與武昌城守營會哨武昌城守營與岳州營上下來往巡緝會哨施州營東巡與岳州營會哨西巡至四川交界其報明督撫提鎮及不按期接界會巡處分均照兩江之例○又議準各省江河中流要處一體設立巡船官兵往來游巡其船造入該營交代冊內遇有盜案照海洋行船被劫例議處

一緝捕海盜順治初年定沿海督撫提鎮嚴飭官弁及內地所屬地方官將海盜立法擒拏務期淨盡如果無海盜令該管各官按季具結申報督撫提鎮報部倘出結之後此等海盜經別汛拏獲供出從前潛匿處所將供出之該管汛口地方官降二級調用○康熙十一年題準海盜侵犯城池殺傷兵民專汛兼轄各官均革職鎮守總兵官降二級調用提督降二級戴罪圖功焚燬鄉村劫掠男婦殺傷兵民者專汛官革職兼轄官降二級調用鎮守總兵官降二級提

督降一級均戴罪圖功。若兼轄各官聞報退縮，不前往緝拏者，革職。提鎮聞報不即領兵會剿者，降二級調用。盜船飄突奪擄，同往追緝官不相救援，率師徑返，以致官兵損傷者，革職。提問專汛官降二級，兼轄官降一級，均戴罪圖功。提鎮罰俸一年。海盜乘夜入城殺傷兵民，專汛官擊盜受傷，盜即退遁者，專汛官仍降二級，兼轄統轄官仍各降一級，均戴罪圖功。○四十六年題準：江浙閩廣海洋行船被盜，無論內外洋面，將分巡委巡兼轄官各降一級，留任。總巡統轄

官各罰俸一年。盜限一年緝拏，不獲將分巡委巡兼轄官各降一級調用。總巡統轄官各降一級，罰俸一年。如被盜地方有專汛之官，照分巡官例議處。其巡哨期內本汛並無失事，別能拏獲海盜一船者，將專汛分巡委巡兼轄官各紀錄一次。拏獲二船者，將專汛分巡委巡兼轄官各紀錄二次。統巡統轄官各紀錄一次。拏獲再多者，照數遞加。○五十三年議準。

盛京海洋以佐領防禦驍騎校為分巡，協領為總巡。如有行船被盜，由該將軍題參，將分巡總巡各官

照江浙閩廣之例議處○五十五年議準海洋緝盜較陸地倍難無論內外洋面但能獲一半者各官均免議處○五十六年議準山東海洋行船被盜照江浙閩廣之例議處○又議準山東登州南汛失事以分巡千把為專汛膠州游擊為兼轄北汛失事以分巡千把為專汛成山守備為兼轄○雍正三年議準洋面失事巡哨各官恐嚇賄囑不行通報者照諱盜例議處○七年議準盜從外洋各在出洋巡哨之官將守口官免議至外洋行劫

之後散夥登岸○濶冒入口守口官弁失於覺察者罰俸一年其有盜由海口內奪船出洋行劫將失察守口官弁降一級留任盜犯限一年緝拏全獲開復限滿不獲照所降之級調用若本案盜犯經別汛拏獲定以三年之內有能拏獲別汛盜船或本汛並無失事者該管官具題準其開復○八年議準廣東將軍總督提鎮各標輪撥官兵駕船遊巡附近河道遇有失事在巡能獲盜過半者免其議處若疎防四月限期未滿先已回營盜尚無獲將遊巡官照離任官例議處接巡之官能將盜犯

掣獲照接緝官例議叙不獲亦照接緝例議處均免限年緝拏其盜犯令該地方專汛官承緝接緝至陸路於每年八月起至次年二月止亦輪撥官兵畧糧遊巡不許擾累遇有失事亦照河道遊巡例議處○十三年議準海洋接緝盜案之官如係兩月三月一輪巡哨者初次巡期不獲記過圖功下次輪巡仍不獲罰俸三月係四月一輪巡哨者初次巡期不獲亦記過圖功下次輪巡仍不獲罰俸六月在洋巡緝半年者回哨無獲罰俸六月一年在洋偵捕者限滿不獲罰俸一年盜犯均照案

緝拏○乾隆六年奏準海洋接緝官如限內但能獲賊雖不及半均免處分若能拏獲盜首夥盜者照陸路接緝獲盜例分別議叙

一巡哨各船順治初年定戰船哨船以新造之年為始三年小修五年大修十年拆造若未經屆期詳請修造者詳請官降二級調用轉報官降一級調用具題官罰俸一年○又議準武職看守戰船損壞三艘者降二級留任三四艘者降二級調用五六艘者降四級調用七艘以上者革職該督撫提鎮仍不時委副叅等官巡察其官兵所乘之船

若未戰以先既戰以後閑住之時即交督戰官看
 守統兵大員不時委官巡察如有損壞俟凱旋日
 將看守官亦照前例議處○康熙二十九年題準
 外海戰船哨船自新造之年為始閱三年小修小
 修後三年大修大修後三年尚堪修理應用者仍
 令大修如不堪修理題明拆造內河戰船哨船自
 新造之年為始閱三年小修小修後五年大修大
 修後三年仍行小修小修後三年尚堪修理應用
 者仍令大修如不堪修理題明拆造○四十二年
 覆準沿海各營汛有島有嶼應分定船數以備官

弁駐守遊巡○直隸外海趕繒船八天津駐防左營○
 盛京趕繒船六旅順水師營○山東外海趕繒船十登州鎮標
 前營八成小脚船十有二登州鎮標前營雙蓬船
 船二成山○江南外海趕繒船二十有六蘇松鎮標中左
 右奇營各五狼沙船三十有五蘇松鎮標中左右
 山鎮標右營六蘇松鎮標中左右
 標右營各一川沙快哨船四蘇松鎮標中左唬船七
 吳松營各三蘇松鎮標中左唬船七
 狼山鎮標右營巡船三川沙水船二川沙犁船
 四掘港營三營巡船三營沙水船二營沙犁船
 船二營沙船四營吳松內河趕繒船四標狼山鎮
 營各一東沙船三十有五提標右營三狼山鎮標
 海營二廟灣佃湖營各三虎船三十
 山東泰州營各四廟灣佃湖營各三虎船三十
 鹽城小關營各二太湖左營二右營一虎船三十
 兵部則例

有四。狼山鎮標中左營各三。廟灣營三。佃湖鹽城
瓜洲東海營各二。小開營一。太湖協左右營
各哨船八。河提標右營各四。劉巡船七十有二。提標
十有六。太湖協左營二十有六。佃湖鹽城營各四。快船九
有。二。福山營十有六。佃湖鹽城營各四。快船九
太湖左營四。右四。槽哨船一。右提標沙唬船十有
營三。小開營二。右四。槽哨船一。右提標沙唬船十有
六。京口左營六。船犁沙船七十有六。京口水。江
西內河沙船八。師營。南湖水唬船三十有八。師營十
南湖水師營二十有。福建外海趕繒船百五
三。鄱湖水師營五。○福建外海趕繒船百五
十有一。督標水師營二。水師提標中右營各六
七。海壇鎮標左五。右營各十。南澳鎮標左營八。右營
安協左右營各五。烽火門四。銅山營六。臺灣水
師協中右營各十。淡水營二。澎湖船百三十有一
湖左右營各十。

水師提標中右營各七。左前後營各六。金門鎮
標左右營各九。海壇鎮標左營六。右營七。南澳
鎮標左營五。閩安協左右營各六。烽火門九。銅
山營十。臺灣水師協中右營各六。左營四。澎湖
協左右。平底船二十。海壇鎮標左營二。臺灣水師
營各八。協中右營各。棗船二十有六。師提標水師營
三。左營六。各。棗船二十有六。師提標水師營
營二。左前營三。快哨船四。右營各二。雙蓬船
各四。銅山營三。快哨船四。右營各二。雙蓬船
四。師營。水。船。哨。船。二。門。火。○浙江外海趕繒船
十有六。提標右營二。定海鎮標中左右營各一。
營二。瑞安鎮海營左右營各一。玉環水船三十有
右營一。鎮海營一。昌石汛二。玉環水船三十有
一。定海鎮標中左右營各五。右營四。黃巖鎮標中
左。右。營。各。一。玉。環。海。營。一。雙。蓬。船。五。十。有。八
各。一。右。營。各。一。玉。環。海。營。一。雙。蓬。船。五。十。有。八
兵部則例

提標右營二。定海鎮標中右營各四。左營五。黃
巖鎮標中左營各五。右營三。溫州鎮標中左營
右營六。瑞安協左營三。右營二。玉環左營一。快
船四十有五。提標右營二。右營三。黃巖鎮標中
各三。溫州鎮標中左營各二。瑞安協左營各
二。玉環左營二。右營一。乍浦營四。鎮海營六。寧
海左營二。八漿船四。營玉環左右巡船六。定海鎮
昌石汛二。黃巖鎮一。釣船三十有六。提標右營二。
右營各一。右營各四。黃巖鎮標中左右營各二。溫
標中左右營各四。黃巖鎮標中左右營各一。玉環左
右營各一。乍浦營二。瑞安協左右營各一。玉環左
右營各一。乍浦營二。鎮海營內河大唬船四。渡
馬船六。錢塘水快唬船二十有一。錢塘水師營
協左五。沙船七。太湖營六。台哨船九。象山協
營各五。

左右營快船十有八。太湖營八。湖州大舸船一。
小舸船四。右營巡船八十有四。嘉興協左右
協左營九。右營二。紹興協右營二。象山協左右營各
三。磐石營二。嚴州協左營中營九。左營三。右營二。
左右營各一。衢州鎮標中營三。大荆營三。金華
城守營三。嚴州協左右營各三。嘉興協左
營右小巡船六十有七。營太湖營二十。嘉興協左
營左營十有十四。右

湖廣內河戰船百四十有
營七。安吉營一。○
四。宜昌鎮標四。均房營二。洞庭水師營二十。漢陽城守
營十有十一。荆州營三。道士汛澧州營各三。興哨船九。
岳州水師營二十有巡船三十有四。武昌城守
四。常德城守營五。

營十有一。荆州營三。道士汛澧州營各三。興哨船九。
黃州協一。常沙船十。荆州水師營四。興哨船九。
德城守營八。沙船十。荆州水師營四。興哨船九。
兵部則例

城守小歙民船十有一。宜昌巡江船五。襄陽城鎮
 守營。廣東外海趕繒船八十有四。中碣石鎮標
 二十有六。南澳鎮標右營九。大鵬營九。船船六
 虎門協六。龍門協二十。瓊州協十。有海協十。有
 香山協五。春江協四。雷州協一。登海協十。有
 一。香山協五。春江協四。雷州協一。登海協十。有
 海安營五。碣州營六。鮑仔船十有七。南澳鎮標右營
 營八。崖州營六。川內河漿船三百九十有三。
 濠營拖風船五。營。川內河漿船三百九十有三。
 將軍標左右前後營十。督標中左右前後營十
 有八。撫標左右前後營十。提標中左右前後營十
 有五。左翼鎮標中左右營四。右翼鎮標
 中左右營六。碣石鎮標中左右營二。潮州鎮標
 中左右營七。肇慶協五。惠州協三。虎門協三。十
 有六。香山協二十。有七。春江協九。雷州協五。龍
 門協七。羅定協四。瓊州協二。黃岡協四。澄海協
 五。肇慶營二十。有六。平海營四。大鵬營九。增城協

營二。新會營二十。有六。海門營四。新安營二。廣
 海寨十。吳川營二。海安營十。有三。潮州營八。饒
 平營十。潮陽營四。東莞營十。有六。四會營三。英
 清營十。有三。化石營二。連濠營二。海防營四。
 ○雍正十年議準各省修造戰船由督撫提鎮
 委副恭會同文職道府領價督修委都司協同
 文職府佐等辦料承修如係將軍標下之船委
 恭領以下等官同領同辦凡屆修造之年各該
 營於五月前將小修大修拆造之船分析呈報
 該上司照例題咨承修官照額定小修大修拆
 造價值備具冊結支領江南江西福建浙江湖
 廣廣東等省於屆修兩月之前領銀備料臺灣

瓊州於四月前領銀備料天津山東於八月前
領銀備料各該營均於屆修前月底將船駕赴
廠所承修官即於次月興工依限報竣如該營
官於屆修造之年不依限申報及屆修之前月
底不將船駕赴廠所者均照遲延事件例議處
若承修官玩視船工將價值延挨請領者降一
級調用該上司故意留難以致遲延者將該上
司降二級調用承修官免議○又議準修造戰
船不如式堅固及未至應修年分損壞者著落
承修官賠六分督修官賠四分仍將承修官草

職督修官降二級調用至小修限四月完工大
修拆造限六月完工倘有貽誤船工違限未及
一月者承修官罰俸一年督修官罰俸六月將
軍督撫提鎮罰俸三月一月以上者承修官降
一級調用督修官罰俸一年將軍督撫提鎮罰
俸六月兩月以上者承修官降二級調用督修
官降一級留任將軍督撫提鎮罰俸一年三月
以上者承修官降三級調用督修官降一級調
用將軍督撫提鎮降一級留任四月以上者承
修官降四級調用督修官降二級調用將軍督

撫提鎮降二級留任五月以上者承修官草職
督修官降三級調用將軍督撫提鎮降三級留
任○又議準承修官將未經修完之船捏報完
工者草職督修官降二級調用將軍督撫提鎮
降一級調用如承修官詳報未完督修官以完
工轉報者督修官草職承修官照限議處承修
督修官詳報未完將軍督撫提鎮以完工具報
者將軍督撫提鎮草職承修督修官照限議處
○又議準船屆修造之期該管官不將船上什
物交明致頭舵兵丁人等偷竊因而短少殘闕

者除頭舵兵丁人等治罪追賠外將該管官降
一級調用該上司不揭叅者降一級留任至交
船之時頭舵兵丁人等有藉端勒索者照例治
罪將該管官照衙役犯贓例議處若官弁藉端
勒索者草職提問該上司明知不揭叅者降二
級調用○乾隆三年議準修造內河巡哨船照
戰船扣限如有逾違不及一月者免議一月以
上者承修官罰俸六月兩月以上者罰俸一年
三月以上者罰俸二年四月以上者降一級留
任五月以上者降一級調用督修官違限一月

以上者罰俸三月兩月以上者罰俸六月三月
以上者罰俸一年四月以上者罰俸二年五月
以上者降一級留任○五年

諭東南沿海一帶如山東江南浙江福建廣東廣西
等省皆設有戰船以為海防之備今承平日久官
弁漸覺疎忽朕聞戰船數目竟有報部之虛名而
十分之中不無闕少二三若至於大修小修之時
每因船數太多難以察覈該管官弁及州縣官通
同作弊將所領帑銀侵蝕入己報修十船其實不
過七八船而又塗飾顏色以為美觀仍不堅固且

更有不肖官弁令子弟親屬載販外省或賃與商
人前往安南日本貿易取利者以朕所聞如此雖
未必各省皆然亦難保必無其事可傳諭該省
督撫提鎮等嗣後嚴行稽察加意整頓務令諸弊
盡除以重海防倘將來再有風聞經朕特遣大臣
前往察出虛冒廢弛則該管之大臣咎亦難辭欽
此○十四年議準各省外海內河水師戰哨船
修竣經督撫提鎮驗後令承修官將船身長濶
丈尺並船內一應器具寬厚尺寸造具清冊送
督撫提鎮鈐印存營每年歲底委官按冊盤察

同軍裝器械一并出結保題如有滲漏損失照
例題叅○十七年覆準戰船出洋必需加用頭
中插花借助風力駕駛始能迅速應一體製備
以資巡哨除江南省沙唬巡哨快等船福建省
船船等船均輕便易使毋庸製備又廣東省虎
門協營海道紆迴砂礁錯雜不必製備外其餘
沿海各省一應戰船均製備頭中插花所需工
料銀於營中公費及司庫備公銀內動支每屆
該船修造之時將頭中插花一體造報修換仍
將用過工料報部察覈



